

BARNABE, PUSANA-KUNA !

Ekomami na Lorella Rouster

Ntina munene ya liteya oyo ezali mpo na koteya Mwana oyo azali Moklisto likolo ya Mutuya na Ye moko na miso ya Nzambe. Na suka ya lilakisi oyo, Mwana nyonso esengeli ayeba ete esengeli te kozala moto ya liboso soki te moto oyo aleki bato mosusu mpo na kozala na esengo na ye moko. Makanisi na biso ezali ete ye ayekola kondima mpe kosepela na esika oyo Nzambe atiyé ye na esengo nyonso.

"Barnabe Pusana-kuna !" Banda na mwa histoire ya mwana ya mobali moko oyo azangaki kozwa esika ya moto oyo azali mutu ya makambo nyonso (acteur principal) na lisano ya théâtre na kati ya Eklesia. Liteya oyo etikali ezali Bomoyi ya Barnabe na mokuse, oyo Nzambe amemaki na kozuwa "esika ya mibale" na mbala mibale na bomoyi na ye. Nyonso mibale, ezala Sango Malamu, mpe solo ya malakisi ezali na makomi oyo.

Biteni ya Bible tosaleli : Misala 4: 34-37; 9: 20-28; 11: 19-30; 12: 25; Makabo ya 13-15. Ba-Galate 2: 1-14; Luka 9: 46-48; 14: 7-11; II Timoté 4:11; Ba-Romain 12: 3.

Verset ya kokanga na motu: «... Nzambe akopesa moto na moto lokola lifuta na ye na ndenge ya mosala oyo ye asalaki. Mpo biso tozali basali elongo na Nzambe... » (1 Corinthiens 3: 8,9).

Meka mayele ya koyoka mpo na koteya Verse oyo. Tuna mituna pene na oyo epesami awa mpo na kosalisa mwana na koyekola koyeba kolimbola ya verse. Na sima ya mutuna nyonso, mwana moko akotanga to koloba na motu verse yango, asalela ba lolenge ekeseni ya kozongela verse, kotiya mokolokoto likolo ya eteni oyo wapi ekosalisa mwana na koyoka eyano. Na nzela ya bozongeli, oyo avandi likolo ya boyoki, ekosalisa mingi mwana na koyekola verse. Na sima, bana bako zongela verse na mbala nyonso, abakisa ndenge ya mongongo lolenge verse ezali koloba.

Loba na bana: «Verse na biso ya kokanga na motu ezali kolobela biso eloko moko mpo na baklisto. Boyebi Moklisto ezali nani? (kopema) Moklisto azali oyo ayamba Nkolo Yesu lokola mobikisi na masumu na ye." Tango bozali koyekola verse ya Bible, luka eyano na mituna oyo.

1. Baklisto boni bakozwa litomba ? (Zongela verse malembe malembe malembe na sima ya mutuna nyonso.
2. Litomba nini moto na moto akozwa ?
3. Litomba nini akozwa ? (Kopema) ya mosala elimboli ete nini oyo ye akosala mpo na kosalela Nzambe. (Kopema)
4. Nani yo azali kosalisa yo na kosalela Nzambe?
5. Boni, Nzambe azali komona ndenge nini ozali kosalela ye ?

Na sima ya kosimba verse na motu, tika bana bakabola ndambo ya biyano na bango na mituna yango moko. (Bimisa polele ete eloko ya motuya ya mwana mobali to mwana mwasi oyo ayamba Yesu akoki kosala, ezali naino kotosa baboti na ye. Pesa nzela na bana basolola lolenga ya malamumu ba kosalela Nkolo.) Tuna bango makanisi na bango soki Nzambe azali bosembo na lolenge na ye ya kopesa matabisi na bato. Sosolisa bango ete Nzambe akobosana ata Moto moko te. (Kobosana ya solo te ete okomi mpe otuni moto moko na moko oyo azali na kati ya masolo oyo bozali kokabola makanisi.) Bozongela verse bino nyonso mpo na kosunga kosimba na yango na motu.

Nzembo ba koki koyemba: Pona banzembo oyo bana bayebi mpe ezali kotala "Kosalela Yesu."

Bitaleli mpe ba lisungi mosusu na koteya: Sala elili (dessin) ya pete mpo na kolakisa Histoire, senga na bana na kozua maloba na etini nyonso ya mateya.

Bitaleli mpo na Banzembo :

Ekoki kobongisama na likasa ya makasi, bitaleli misato ya minene, lolenge ya kokoka, mpo na kosalela na Nzembo oyo "E-S-E-N-G mpe O." Esika ya makomi E,S,E,N,G mpe O, na likasa ya ezipeli. Soki bagumbi yango, esengeli batanga kombo "YESU".

BAMUSUSU, mpe YO. Biloko misato esimbi bitaleli, Kugumba, mpe kofongola, tango Nzembo ezali koyembama

Koyeba kosalela tango ya Mateya: Kosalela mobimba ya mabongisa (programme) na bana oyo bazali mwa mokolo na kelasi ya primaire / Ba Cadet mpo na ngonga ya mateya ya ngonga 1-1 / 2 (heures). Kosalela kaka ngonga minuta 20 ya mateya.

- Nzembo
- Losambo – Kosenga na Nzambe alakisa eloko moko, oyo tokoki kosala lelo
- Koteya verse ya kosimba na motu !
- Nzembo - "Na lingi kosalela Yesu" (Tuna bana na oyo etali ndimbola ya ba maloba).
- Koteya verse ya Bible – Liteya ya Bible - "Barnabe, Pusana Kuna!"
- Kobanga bana oyo naina babongoli motema te
- Bana bazwa esika ya bato ya Bible moko na moko. Tiya mokolokoto na ntina ya liteya mpo na Mwana oyo azali Muklistu
- Kopesa batoli na ba oyo bazali koya na invitation

Kobanda ya liteya (histoire):

Annie asalaka libanda ya lekole mpe akimaki mbangu tii na Ekelesia. Na pokwa ya lelo, Mme Darko akoloba soki nani akozala na esika ya liboso na lisano oyo mwana na mwana akosala na kati ya Ekelesia. Tango akomaki, asalaki elembo na baninga na ye.

"eeh, Bill! Mme Darko awa lisusu ? "

«Iyio ! Azali na kati. Kassi alobi te nani alongaki kino bato nyonso bakoma ".

«Na kanisi ete na betaki malamau Noa – Na kanisi, Na banzi ete ezali bongo. Moto mosusu ezalaki malamau te lokola ngai na zalaki. Na salaki malamau te, Bill ? "

"Iyio, osalaki malamau. Ezali malamau mingi tokota na kati sik'oyo."

Annie na Bill bakoki batindikama lokola basangani na bana mosusu na kati ya ndako. Mme Darko azali kozela ete bato bazala naino kimia. Na sima alobaki.

«Liboso ya nyonso, na zali kopesa matondo na moko na moko na kati na bino mpo na kosala oyo ye akoki mpo na kosalisa na kosala ete lisano oyo elonga», elobaki ye. "Moko na moko na bino asali malamau na koponama. Mpo na kosalisa ya komonisa mabongisi (programme) moko ya malamau koleka, tokozala na posa na bino mpo na kosala na « châssis » na biloko nyonso esengeli, makelele mpe miziki. Tomeki kotiya moto na moto kati na bino na esika oyo makabo na bino mpe makoki na bino ekoki kosala malamau koleka.

"Sik'awa, esika ya Noa moto akosala yango ezali Bill Hassler, ya Japhet, Neil Peavy, ya Sem, Kevin Lear, ya Ham, Teddy McBohne. Annie, tozali na bosenga na yo mpo na kokela mpe kotiya langi ya moboko ".

Arnie atutani na motema ! abosanaki kopesa esika na Noa. Kombo na ye akomaki yango na sima! Atelemaki mpe abimaki.

Bokanisi ete Arnie akoyoka ndenge nini ? Mpo na nini bokanisi ete Mme Darko asengaki ye kokela elili na esika ya kozala motu ya makambo ya lisano ?

Moto nyonso te akoki kozala motu ya makambo nyonso ya lisano. Mbala mingi, ezali pasi na kosala ya ba « châssis »i – ya kozwa oyo tozali komona lokola esika ya - mibale. Kasi tango mosusu, Esika aya mibale, to ya misato, to ya mineyi ekoki kozala esika oyo Nzambe akoki kosalela biso koleka.

Koleka tii na liteya ya Bible :

Na zali kokanisa na moto moko na Bible, Mokanda ya Misala ya Batoma, oyo akokaki kozwa esika ya mibale.

Azalaki moyuda na kombo ya Joseph.

Kofongwama (Développement) ya liteya ya bible:

Joseph abotamaki na mwa zamba ya liziba ya Chypre, na sima akendaki na Jérusalem. Toyebi mpenza te soki Joseph ayokaki bazali koloba mpo na Nkolo Yesu, mpe soki ayambaki ye lokola Mobikisi. Mbala mosusu azalaki moko kati ya bato tuku misato ya bayuda oyo batiyaki elikia na bango na Yesu lokola mobikisi tango Pierre ateya yambo na Jérusalem. Soki te tango mosusu Pierre to Jean, to moyekoli mosusu ya Yesu azalaki moto oyo ayebisaki oyo akokaki kosala mpo na kobika na masumu.

Tango mosusu, koyeba te soki Joseph, ayokaki ete Nzambe alingaka ye, ete Yesu, Mwana moko kaka oyo ya Nzambe, akufaki na ekulusu mpo na ye – afutaki nyongo mpo na mabe oyo asalaki, mpe na makanisi. Ayokaki ete Yesu atikalaki te ebembe na kati ya nkunda – kasi ete asekwaki mpe amataki na likolo. Mpe Joseph andimaki na oyo ye ayokaki. Asengaki na Nkolo Yesu na kobikisa Ye na masumu. Azalaki moko ya ba oyo babengamaki « Moklisto ».

Bomoyi ya Joseph ebongwamaki. Ayokaki ete baklisto mosusu bazalaki na bosenga ya bileyi, mpe ya bilamba, boye atekaki elanga na ye mpe apesaki mbongo oyo azuaki na maboko ya bakambi ya baklisto.

«Na lingi na salisa," akokaki kolimbola. "Bosalela oyo mpo na kosomba biloko ya kolia mpo na kopesa makasi mpe mpiko na baklisto oyo bazali na nzala."

Ezali kokamwa te ete baklisto babandaki kobenga Joseph na kombo moko boye ete, Barnabe, oyo elimboli «Mwana mobali oyo apesaka makasi mpe mpiko. »

"Pesa Nzambe matondo mpo na Barnabe!" Baklisto bakokaki koloba moko na moninga mosusu. "Atekaki mabele na ye mpo ete tozua bileyi. Oh, oyo ezali kopesa biso koyipa pende !

"Barnabe akobaki kopesa koyika pende na baklisto ya Jérusalem. Mokolo moko, elenge moko na kombo ya Saul ayaki kotala baklisto.

"Ezali ya solo ete mbala mosusu na zalaki koyina bino, bino baklisto, Paul alobelaki bango. "Ezali ya solo ete na zalaki kokanga ebele ya baklisto mpe kobwaka bango na boloko.Kasi sik'oyo, makambo ebongwami! Yesu Klisto abimelaki ngai. Tango na yokaki mongongo na ye, na yebaki ete azali Mwana na Nzambe. Sik'oyo, na zali mondimi kati na Yesu. Na koma Moklisto ngai mpe ! "

Kanisa naino ndenge nini baklisto ya Jérusalem bakokaki koyoka tango Saul alobaki ete Ye akomi Muklisto ? Boni, Bandimaki Ye?

"Saül? Mondima kati na Yesu? Ekoki kosalema te! » Esengelaki bato bayima yima. «Loba ete azali kotiyela biso mutambu ya kokanga biso! Alingi azua bakombo na biso mpo na kobwaka biso na boloko! Bokende te pembeni na ye: Azali moto mabe! " Bible elobi" ... Bazalaki nynso na kobanga na ye mpe bandimaki te ete akoma Muyekoli. » (Misala 9:26)

Moto moko andimelaki Saul. Boyebi moto oyo azalaki nani ? Malamu! Ezalaki Barnabe. Barnabe akendeki na bakonji ya lingomba oyo basanganaki na Jérusalem mpe azwaki ye. "Saul akomi Muklisto. Ateyaki polele na Damas na kombo na Yesu (Misala 9:27). Andimi sik'awa ete Yesu azali Mwana na Nzambe. "Mpo na maloba wana ya Barnabe, Bakambi ye ekelesia bayambaki Saul. Barnabe azalaki Mwana oyo apesaka bato makasi mpe mpiko. Barnabe, Saul mpe baklisto mosusu esengelaki balekisa bangonga ebele ya kotiyana tembe elongo na oyo Nzambe asalaki na bomoyi na bango, mpe bayekolaki ya kokabola Sango Malamu oyo na bato mosusu.

Na sima ya batango, Sango Malamu ekomaki na Jérusalem. «Baklisto bakendeki na Antioche," Mopanzi sango moko alobaki. «Balobi kuna ete Yesu akoki kobikisa bango na masumu mpe ete ba oyo nyonso bazali koyamba ye, bakoki kozala bato ya libota ya Nzambe. Bato mingi ya Antioche bayambaki Nkolo Yesu lokola Mobikisi ya masumu na bango ".

«Tozali na bosenga ya kotinda moto moko akende koteya mpe kopesa makasi mpe mpiko na baklisto ya sika." Moto moko apesaki makanisi.

"Ebongo ndenge nini mpo na Barnabe? Tala nini asali mpo na biso na Jérusalem. Boye, akozala moko ya ba oyo bakusunga baklisto ya sika na Antioche, «bandimi bandimaka yango ».

Yango wana Barnabé, mwana ya kopesa makasi mpe mpiko, aponamaki mpo na kokende na Anntioche mpo na kosalisa na koteya baklisto ya sika (Misala 11:22). Ezali kitoko mingi ! Barnabe azalaki na esengo ya komona oyo Nzambe asalaki na Antioche!

"Koba kaka na kolinga mpe kotiya elikia na Nkolo Yesu, boni, alendisaki baklisto ya sika. Yeba ete Nzambe alingaki mingi yango wana apesaki Mwana na Ye moko kaka mpo na kozala Mobikisi na bino."

Barnabe ateyaki na engomba. Bato ebele mingi mosusu bayambaki Nkolo Yesu tango bango bayokaki oyo Ye asalaki mpo na bango.

Esengelaki musika te yambo Barnabe ayeba ete azalaki na bosenga ya lisungi mpo na koteya bato wana nyonso. Nani akoki kozala lisungi malamumu? Barnabe azalaki kokanisa mpo na Saul. Akendeki komona ye. Saul azalaki na esengo Banabe na Antioche. Basalaki elongo na kati ya engomba mbula moko mobimba.

Mokolo moko Saul bakutanaki na balakisi mosusu ya Bible ya lingomba ya Antioche mpo na kosambela. Bible ezali kopesa biso bakombo ya bato oyo. Ozali kokanisa kombo ya nani na kati ya bakombo wana? Iyio, ezali Barnabe. Emonani ete azalaki motambwisi. Kombo ya Saul ezali ya suka. Lokola bato bazalaki kosambela, Nzambe, Molimo Mosantu alobaki: "Botiyela ngai Saul mpe Barnabe mpo na mosala oyo nabengelaki bango."Nzambe azali na mosala ya sika mpo na Saul mpe Barnabe. Balingi balongwa Antioche mpe bakende lokola batindami na bato ya bisika mosusu mpo baloba na kombo ya Yesu. Boni, Barnabe akolinga kolongwa mosala na ye lokola mokambi to motambwisi mpo kokende lokola motindami ?

"Iyio, na lingaki na kende esika oyo Nzambe aponaki mpo na ngai", Emonani ete Barnabe ayebisaki ye. "Esika oyo Nzambe alingi mpo na ngai ezali esika malamumu ya kozala."

Bato musus bamamaki maboko likolo ya motu ya Saül na Barnabe mpe basambelaki mpo na bango yambo balongwa na engomba. Okanisi bazalaki kosenga nini na Nzambe mpo na bango ? (Zela biyano.)

Tango mosusu moto moko akambaki bango na losambo. "Eh, Nzambe na ngai, sunga Barnabe mpe Saul bisika nyonso bakokende. Tika ete bato bandimaka ete Yesu azali mwana na Nzambe, Mobikisi moko kaka ya masumu ".

Na sima ya kosangisa biloko na bango elongo, Barnabe mpe Saul bamataki na Masua mpo na kokende na Esanga ya Chypre, pene ya 170 ya bakilometre. (Komeka na kokokanisa ndenge mboka songolo ezali mosika na mboka pakala.) Mwana-kasi ya Barnabe, Jean-Marc, akendeki mpe na bango.

Banadimi ya Antioche basanganaki mpo na kotombela bango kokende mpe kotikala malamumu.

"Botikala malamumu! Botikala malamumu : Nzambe apombola bino! Tozali kosambela mpo na bino! "Emonani ete bakobaki na koganga mpe kosala makelele kino tango Maswa ekomaki mosika na kati ya ebale.

Tango bakomaki na esanga ya Chypre, Barnabe, Saul mpe Jean-Marc babandaki kotambola engomba na engomba ya mboka. Bazalaki koloba mpo na Nkolo Yesu na kati ya engomba na engomba nyonso. Tango bakomaki na engomba na kombo ya Paphos, bayambaki sango moko ya motuya. Sergius Paulus, oyo azalaki Motambwisi ya Mboka Chypre, alingaka ete bakende kolobela ye Nsango ya

Yesu! Bazwaki pika pende makasi ! Ozali komona te ete Barnabas mpe Saul basambelaki ete Nzambe akamba bango na ndenge ya koloba na motambwisi ya etuka ?

Mpo na kosukisa, Saul mpe Barnabe bakomaki na ndaku ya Motambwisi ya etuka. "Tozali na esengo ya kolobela yo mingi koleka mpo na Yesu. Yesu azali Mwana na Nzambe – Alingi bino – Ezali ye moko kaka oyo akoki kolimbisa mpo kokomisa motema na bino motema mpo na Nzambe.

Elymas, moto na soloka, azalaki Motambwisa etuka. Amekaki kokata mpe kotelemela maloba ya Barnabe mpe ya Saul.

Bible elobi te soki Elymas alobaki nini, kasi tango mosusu na koseka, agangaki, «Bondima te na ebele ya lokuta oyo !

«Boyoka biso!" Barnabe alobi. «Yesu asekwe na kati ya mokufi, alakisi boye ete azali Mwana na Nzambe. Amonanaki na bato ebele. "

"Asekwe na baweyi ?" Elymas asekaki. "Nani akoki kondima eloko wana ?"

Saül atalaki Elymas. Na mbala moko, alobaki. Nzambe Molimo Mosantu akambaki maloba na ye.

"Botondi na lokota mpe mayele mabe! Ozali mwana ya diabololo, mpe monguna ya oyo ebengami malamu. Bolingi kotika lokuta te na banzela ya Nkolo ? Loboko na Nkolo ezali likolo na yo, mpe okokoma mokufi miso, okomona lisusu te moyi na tango moko boye. "(Misala 13:10)

Kaka na mbala moko, Elymas agangaki, «Ngai ... na koki komona te ! soki bolingi, moto moko aya kosalisa ngai ! "

Tango Mokambi ya etuku bamonaki oyo ekomelaki na moto ya soloka, babangaki. Tango mosusu Mokambi ya etuku agangaki, "Na ndimi! Ozoloba ya solo! Yesu azali penza Mwana na Nzambe. Yesu akufaki ya solo na ekulusu mpo na kozwa esika ya bato ya masumu. Asekwi ya solo! Azali Mobikisi, kaka ndenge olobi yango. Saul, na yo mpe, Barnabe, ozali koyebisa ngai ya solo ".

Okanisi ete Barnabe azalaki na motema likunia na komona Nzambe kosalela Mosalisi na ye? Okanisi Barnabe azalaki koyoka ndenge nini tango azalaki koloba na Elymas, moto na soloka? Paul azalaki mbala moko na bosenga ya lisungi ya Barnabe mpo na kopesa elikia na baklisto ya Jérusalem ete akoma ya solo Moklisto.

Yambo ete bato wana balongwa Antioche mpo na mobembo ya Chypre, Molimo mosantu ya Nzambe ayebisaki ye ete : «Botiya pembeni Barnabas mpe Saul." Sik'oyo, lokola balongwe na Chypre, Bible ezali kolobela "Paul na basalisi na ye ..." Oyo ezali kolakisa ete ezali nde Nzambe moto azalaki koloba, "Longwa kuna, Barnabe! Esengeli oyekola na kozwa esika ya mibale. Paul akomi sik'oyo Mokambi ".

Na asika ya kosilika to kozala na motema likunia, Barnabe azalaki kopesa konzo mpe kosalisa Paul na bosenga oyo azalaki na yango. Barnabe azalaki kolinga, koleka bato mosusu wana, kozala na esika oyo Nzambe akokaki kosalela ye.

Bible elobi ete bakendeki na Perge. Jean-Marc azongaki na Perge. Toyebi te pona nini. Barnabe akobaki mobembo na ye engomba na engomba elongo na Paul. Paul azalaki komibongisa na koteya. Kasi Barnabe azali kokanisa lisusu te. Azali na soni te mpo na kozwa esika ya mibale – Akokaki te kozala na esengo soki ezali te wapi Nzambe alingaki mosala na ye. Mosala na ye ezalaki kosalisa mpe kopesa pika pende na Paul. Ayebaki ete ezalaki esika koleka malamu oyo Nzambe abongisaki mpo na ye. Mikolo mingi na sima, Paul akomaki: «...Moto moko na moko akozwa mbano na ye bo ezalaki Mosala na ye. Mpo ete tozali basali elongo na Nzambe "(1 Ba-Korinte 3:8,9). Ntango mosusu, bozali kokanisa tango mosusu ete Paul azalaki kokanisa Baranabe tango ye akomaki makomi maloba oyo, Paul azalaki koyeba ete Barnabe mpe, lokola moklisto nyonso, bakozwa litomba kolandela bosembo ya kosala oyo Nzambe asengaki ye kosala.

Na koki kokanisa Paul oyo azali kobondela: «Matondo, Nzambe, mpo na Barnabe. Azali moko ya ba oyo bapesi konzo na kolongaka baklisto ya Jérusalem ete nandimaki mpe ete bomoi na ngai ebongwanaki. Bosaleli ye mpo na kopesa pika pende mpe kopesa ngai mateya ya kozala motindami!

Paul asosoli ete baklisto lokola bato oyo bazali kosala na Nzambe.

Lokola bazali koteyi ya Sango Malamumu ya Yesu na bato mosusu, Nzambe azali kosalisa bango na kondima ete ezali ya solo. Mpo na yango, « ezali ntina te ya kozwa esika ya liboso » to "ya mibale." Esika oyo ozali na yango ezali koleka malamumu soki ozali esika oyo Nzambe alingi yo ozala. Na mokano ya Nzambe, Moto nyonso azali se ye moko kaka. Bokozwa litomba, te kolandela wapi ozwi kombo ya mosala ya monene, to kolendela te esika ya liboso, kasi kolandela lolenge oyo ozalaki kokokisa mosala oyo Nzambe apesaki yo kosala. Oyo ezali ntina mpe ezali kosala bolamu na yo.

Na sima ete mobembo ya etinda esili, Paul mpe Barnabe bazongaki na Antioche esika wapi bakomaki kosala lisusu na lingomba. Bazalaki komipesa na koteya na engomba. Jean-Marc azalaki mpe wana.

Na sima ya mikolo ebele ya mosala na Antioche, Paul aye na basalisi na ye bayika pende, Barnabe, mpe apesi makanisi : "Tozonga kotala bandeko na bingomba wapi totayaki maloba ya Nkolo mpe kotala lolenge bazali » (Misala 15:36). Babandaki kosala mabongisa. Barnabe apesaki makanisi ete bazwa mpe Jean-Marc.

"Oh, tee!" Paul abetaki mokolokoto. "Marc alongwaki mabala moko, kasi akozua lisusu libaku ya kosala yango lisusu!" (Misala 15:38).

"Kasi na zali komona ete esengeli na sala na Jean-Marc," Barnabé ayanoli. Paul mpe Barnabas bakokaki koyokana te na ndenge ete Paul a sengaki na moto mosusu na kosangana na ye mpo na kotala bingomba wapi ateyaki elongo na Barnabe.

Yango wana Barnabe, azwaki Jean-Marc elongo na ye na mobembo na yemoko ya etinda.

Barnabe azalaki na elikia ete Nzambe alingaki ete ye apesa makasi mpe molende, mpe ateya mosali mosusu. Azalaki lisusu motambwaisi ya lisanga ya batindami. Bible azali koloba te lolenge makambo yango elekaki nkala, Kasi toyebi ete na botambwisi mpe kopesa makasi mpe molende ya Barnabe, Jean-Marc, mpe, akomi motambwisi mpe mokambi ya Nzambe. Mikolo na sima, Paul akomaki mukanda wapi azalaki kosenga na Jean-Marc mpo na koya kotala ye. "Azali ntina mpo na ngai mpe mpo na musala," Paul alimbolaki (II Ba-Timote 4:11). Paul alingaki aloba ete Jean-Marc azali sik'oyo musali malamumu. Eloko nini ebongoli makanisi ya Paul mpo na elenge mwana mobali oyo? Oyo esalaki ete Jean-Marc akoma moto ya mutuya? Bozali komona te ete ezali lisalisi nde Barnabe apesaki ye?

Ezali kaka na sima-sima nde Nzambe asalelaki Jean-Marc mpo na kokoma Sango Malamumu ya Marc na Bible na biso. Mpe ye asalelaki Paul mpo na kokoma mikanda tuku na mineyi ya Kondima ya sika na biso. Boyebaki yango ete Barnabe akomaki ata mokanda moko te na eteni moko ya Bible? Kasi ndenge nini okanisi ete Barnabe alongaki mibali oyo mibale?

Ya liboso, ami longolaki mpe atikaki Paul kozwa esika ya liboso. Na mikolo na nsima, atikaki elenge mwana-nkasi na ye Jean-Marc kozwa esika ya liboso. Oyo bato babengaka esika ya mibale, esika koleka kitoko mpo na Barnabe – mpo ete ezali nde mwana Nzambe akoki kosalela ye malamumu koleka.

Kosalela yango na bomoi ya bana oyo babika

Boni, ese ozwa naino eloko babengi esika ya mibale tango oyo yo olingaki esika ya liboso? (ti ka bana bayanola.) Okoki kokanisa mpo na nini Nzambe alingaki ete esalema lolenge wana ?

Tango mosusu yo, lokola Arnie na kati ya lisolo oyo biso tobandaki na yango, azwaki te esika oyo olingakaki na kati ya lisano ya théâtre to ya mabongisi (programme). Ezala lisanga ya bayembi (chorale to lisanga. To soki te, ozala moto ya sima na koponama tango bana bazali kopona esika ya oyo bakosala. Okoyoka ndenge nini? Eloko nini osali? Olingaki kosali nini soki okanisaka ete Nzambe azali na mokano mpo na bomoi na yo ete kosepela te wana okutani na yango ezali na mokano na Nzambe? Tango mosusu ozali na ndeko ya mwasi to ya mobali oyo azwaka koleka yo na kelasi ata kutu osali nyonso oyo okokaki kosala. To soki te, ezala ete moto moko basepelaka na ye mingi na kelasi to na ekelesia koleka yo. Okoyoka ndenge nini? Tango mosusu, Emonani ete ozali na esika ya mibale to ya misato, ata soki osalaka nyonso oyo okokaki kosala. Eloko nini oyo okokaki kokanisa na tango wana? (tala lisusu verset ya kosimba na motu.) Ozali motuya na Nzambe. Azali na ntina moko

boye mpo na bomoi na yo. Tango mosusu Nzambe alingi kosalela yo mpo na kopesa pika pende na bato mosusu.

Okoki kozala lokola Barnabe mpe kozala na esengo mpe ntina na esika oyo Nzambe apesi yo! Nzambe azalaki na litomba mpo na yo soki osali yango malamumu oyo apesi yo kosala.

Kobenga bana oyo babika naino te

Mbala mosusu naino oyamba Yesu te lokola Nkolo mpe Mobikisi ya masumu na ye. Esengeli osala yango yambo ya kosalela ye. Alingi ete otiyela ye motema. Liloba na nzambe elaki yango, «oyo nani akobelela kombo na Nkolo akobikisama " (Ba-Romain 10:13). Soko olingi koyamba ye lelo, sala yango.

(Benga bana bayanola na koyamba Klisto. Senga bango batalisa mokano na bango lolengo oyo: Ya kotelema, tikala ya kovanda, bamususu bavandi, miso ya kofongola mpe bazali kotala tango bazali kosambela, maboko likolo, bakutana na esika moko boye oyo ekatami na lisanga (Club) soki te lolenge oyo emonani malamumu koleka. Boluka esika ya koyokana na likambo yango. Silisa na losambo.)

Zongela likambo yango – mwana na mwana asala na esika na ye: kozwa esika na makambo ya bomoi ya Barnabe. Pona nini bokoki kosala na makambo oyo elandi:

- 1) Barnabe azali komema mbongo na ye mpo na kokabola na baklisto oyo bazali na bosenga.
- 2) Barnabe azali komema Saul na kokutana na baklisto ya Jérusalem.
- 3) Barnabe mpe Saul bazali koloba lokola batindami ya Antioche (Jean-Marc azali mpe kokende na bango.
- 4) Paul azali kosenga na Barnabe kozonga na ye mpo na kotala lisusu baklisto ya sika.
- 5) Bokoki kotindika bana na kosala liseki ya mwana na mwana na makambo lokola ndenge likambo ezalaki: Barnabe azali kokutana na Paul mpe Jean-Marc na sima ete bayebani malamumu mpo na mosala na bango, kobakisa mpe mikanda ya Bible oyo bango bakomaki (sik'oyo, ndambu ya mikanda ya Bible na biso).

Kokamba bana tango ezali yo kobongisa lisolo. Koba kotindika bango na motema malamumu, meka na kobimisa ntina ya liteya na yo wana ozali koloba lokola moto ya yambo : «Tika ete na mona ngai moko motuya na gai liboso ya Nzambe, kondima na esengo mpe mpiko mokano oyo Nzambe azali na yango mpo ngai. "

Na nzela ya lisano ya mwana na mwana, kopesa makasi mpe mpiko na basali ya lisano kobimisa solo wana.

###